



АКАФИСТ
ПРЕПОДОБНОМУ
КОРНИЛИЮ АЛЕКСАНДРОВСКОМУ



СВЯТО-УСПЕНСКИЙ ЖЕНСКИЙ МОНАСТЫРЬ г. АЛЕКСАНДРОВ

Кондак 1

Избранный от Царя Сил и Духа Святаго
исполненный, / преподобне и
богосносне отче наш Корнилие, /
преизящное земли Александровския
прозябение, / пречудное обителей, тобою
устроенных, украшение, / величаво
прославляшаго тя Славы Господа, /
воспеваем ти похвальная, добрый наш
пастырю. / Моли Христа Бога и Пресвятую
Богородицу / от всяких нас бед свободити,
зовущих: /
Радуйся, преподобне Корнилие, /
монашескаго жития изрядный устроителю.

Икос 1

Ангелов Творец, предуведевый по
самовластнаго чистаго сердца твоего
изволению всеусердствующее Его
воли исполнение, избрала ты значала, да
прославиши житием твоим пречудное имя
Святых Троицы. Темже яко луч пресветлый
вечнаго Солнца Правды просветися
евангельское житие твое. Мы же, любовью
понуждаемии, со благоговением и
радостью глаголем ти сие:

Ра́дуйся, подмо́сковныя Трѳи́цкя
слободы́ ча́до богоизбра́нное;

Ра́дуйся, роди́телей благочести́вых
утеше́ние богодара́нное.

Ра́дуйся, купе́ческаго насле́дия отца́
твоего́ отверже́ние благоразу́нное;

Ра́дуйся, я́ко уподо́бился еси́ купцу́,
и́щущему́ би́сера у́мнаго.

Ра́дуйся, небе́снаго оте́чества
пла́менне возжелéвый;

Ра́дуйся, измла́да всем се́рдцем и
мы́слию Бо́га возлюбíвый.

Ра́дуйся, пра́вило ве́ры и благоче́стия;

Ра́дуйся, о́бразе крѳ́тости и смире́ния.

Ра́дуйся, прелюби́мое и́ноков
похвалéние;

Ра́дуйся, живу́щим в ми́ре предíвное
поможе́ние.

Ра́дуйся, пропове́днице пока́яния и
ходатаю́ спасéния;

Ра́дуйся, оби́телей твои́х свяще́нное
украше́ние.

Ра́дуйся, преподо́бне Корни́лие,
мона́шескаго жити́я изря́дный устройтелю́.

Кондак 2

Віде Бо́г, преподо́бне о́тче Корні́лие,
я́ко ты, любóвию к Немú Еді́ному
распала́ем, вся́ благáя и крас́ная міра
сего́ презрél есі́, наста́ви тя на путь
і́ноческій претру́дный, да сподо́бишися во
сла́ве небéсней с лі́ком все́х святы́х
воспева́ти Пресвяте́й Тро́ице а́нгельскую
пéснь: Аллилу́иа.

преподо́бных о́тец

Икос 2

Разумéв Бóжие о тебé промы́леніе,
дрéвним о́тцем в смире́нии и труда́х
уподо́битися возжелéл есі́, сего́ ра́ди в
моско́вский Чу́дов монасты́рь прите́кл есі́,
и та́мо в по́двигах послуша́ния дово́льне
пожів, мона́шескій по́стриг от руки́
настоя́теля восприя́л есі́. Таковóе до́брое
твоé нача́ло зря́ще, вопи́ем ти:

Ра́дуйся, о́тче, богому́дренно суе́ту
земну́ю нивочто́же вмени́вый;

Ра́дуйся, любве́ ра́ди Бóжия дом
о́теческій оста́вивый.

Ра́дуйся, от ю́ности благо́е і́го
Христо́во на себé восприя́вый;

**Ра́дуйся, се́рдце свое́ во всегда́шнее
служе́ние Бо́гу и Пречи́стей Его́ Ма́тери
преда́вый.**

**Ра́дуйся, я́ко всеору́жие Бо́жие
усе́рдно восприя́л еси́;**

**Ра́дуйся, я́ко неле́нотно к подвиго́м
мона́шеским устремі́лся еси́.**

**Ра́дуйся, соверше́нного послуша́ния и
слезно́й моли́твы изве́стный рачі́телю;**

**Ра́дуйся, все́м христиа́ном в Ца́рство
Небе́сное до́брый путево́дителю.**

**Ра́дуйся, ве́рою укрепля́емый, всю́
Наде́жду свою́ на Бо́га возложи́вый;**

**Ра́дуйся, обе́ты ино́ческия непоро́чно
до сме́рти сохрани́вый.**

**Ра́дуйся, на Подвигополо́жника
Христа́ непреста́нно с любóвию зри́вый;**

**Ра́дуйся, жи́знь ве́чную и нетле́нный
вене́ц досто́йно от Него́ восприя́вый.**

**Ра́дуйся, преподо́бне Корни́лие,
мона́шескаго жити́я изря́дный устрой́телю.**

Кондак 3

Силою свѣше укрепляем, по лѣстнице добродѣтелей ты, ѳтче, неуклонно шествовал еси, о больших же дарованных ревнуя, стольный град Москву оставил еси, в пустынь Флоріщеву вселившись, тако благоволившему о тебе Богу поя: Аллилуиа.

Икос 3

Имѣя разум божественных писаний и житиѣ непорочное, свѣтильник благочестия брѣтии Флоріщевой пустыни показался еси, слово же твоѣ богомудрое многим во утешеніѣ бысть. Сего ради враг диавол зело разъяришася, страхованія от духов и гоненія от человек на тя воздвизая. Ты же сия благодушне понесл еси, образ нам терпенія подавая, воспевающим ти:

Радуйся, всякое испытаніѣ во спасеніѣ души твоея понести готовый;

Радуйся, вступивый на путь тернистый и суровый.

Ра́дуйся, непоколеби́мый сто́лпе
терпе́ния;

Ра́дуйся, пречу́дный о́бразе крото́сти и
смирéния.

Ра́дуйся, незло́бие Христо́во
смирéнием стяжа́вый;

Ра́дуйся, на оби́дящия тя ева́нгельски
взира́вый.

Ра́дуйся, оби́дящим тя вседу́шно
прегреше́ния прости́вый;

Ра́дуйся, многообра́зныя ко́зни
лука́ваго си́лою Бо́жиею победи́вый.

Ра́дуйся, Бо́жия произволе́ния о
спасе́нии души́ твоея́ иска́вый;

Ра́дуйся, в угожде́нии Ему́ еди́ному
наме́рение полага́вый.

Ра́дуйся, богому́дрый наста́вниче во
вся́ких обстоя́ниях;

Ра́дуйся, зломы́слящих и оби́дящих
приво́дяй к пока́нию.

Ра́дуйся, преподо́бне Корни́лие,
мона́шескаго жити́я изря́дный устройте́лю.

Кондак 4

Бурю гнева ненавидящих тя утоляя, преподобне отче, исшел еси с миром из пустыни Флорической, Пресвятую Богородицу умоляя, да пусть твой управит, и тако обители Рождества Ея честнаго достиг, яже преподобным Лукианом воздана быше, обрел еси тамо доброе пристанище, благодарне поя о сем Богу: Аллилуиа.

Икос 4

Видяще братия пустыни Лукиановой богоугодное житие твое, славне Корнилие, моляху тя, да восприимеши сан священнический и будеши им наставником, а обители строителем. Ты же, крест пастырский смиренно подъяв, до конца дней своих терпеливо понесл еси, сего ради благодарственно вопием ти:

Ра́дуйся, за́поведей и сове́тов Бо́жих
ре́вностный исполнители;

Ра́дуйся, к чи́стому и непоро́чному
жити́ю благопоспéшный предводи́телю.

Ра́дуйся, Небéснаго Царя́ ра́бе благий
и ве́рный;

Ра́дуйся, виногра́да Христо́ва
де́лателью усéрдный.

Ра́дуйся, не сло́вом то́чию, но па́че
де́лом и слéзною к Бо́гу моли́твою ча́да
сво́я поуча́й;

Ра́дуйся, мона́шескими пра́вила их
боголе́пно наставля́й.

Ра́дуйся, я́ко бра́тию духо́вною
сла́достью насыща́л еси́;

Ра́дуйся, я́ко о́гнь Божéственныя
любве́ в них возгрева́л еси́.

Ра́дуйся, избра́нный Бо́гом на
освяще́нное служéние;

Ра́дуйся, ве́дый словéсныя о́вцы на
па́жители спасéния.

Ра́дуйся, прилежа́вый церко́вному
стро́ению и благоукраше́нию;

Ра́дуйся, во сла́ву Святы́я Трои́цы
воздвигну́вый хра́м Богоявле́ния.

Ра́дуйся, преподо́бне Корни́лие,
мона́шескаго жити́я изрядный устрой́телю.

Кондак 5

Боготѣчней звездѣ подобен явился еси, преподобне, небо церковное украшая и люди веси Александровския лучами твоея святости озаряя: инья к иночеству наставляя, инем в миру путь к Царствию Небесному указуя. Темже смиренно молим тя: просвети и наша сердца, мглою страстей омраченная, да достойно воспеваем спасающему тобою Богу: Аллилуиа.

Икос 5

Видяще велие смиренномудрие твоё, дивимся, святче Божий: от силы бо в силу по вигом восходя, вящце жаждал еси духовнаго назидания. Сего ради в безмолвии со отцы пустынными пребывати изволил еси. Обаче, Богом наставляем, во обитель свою возвратился еси на радость братии и людем. К тебе убо и мы прибегающе, сиче глаголем:

Радуйся, ища разума духовнаго к пустынным отцем притекший;

Радуйся, лжеименный разум века сего несумненно отвергший.

Ра́дуйся, мно́гая в пусты́нных ме́стех
бла́гая и душеполе́зная сокрови́ща
стяжа́вый;

Ра́дуйся, а́ки богому́драя пчела́ от
тружда́ющихся та́мо о́тец сла́дость
и́ноческу́ю собра́вый.

Ра́дуйся, ту́южде сла́дость в зе́млю
Алекса́ндровску́ю сохра́нно прине́сший;

Ра́дуйся, зде́ оби́тели благоуспе́шно
насади́вший и стори́цею возрасти́вший.

Ра́дуйся, равноа́нгельнаго жити́я
достигну́ти сподо́бивыйся;

Ра́дуйся, в и́ноческих трудéх и
по́двизех дрéвним о́тцем уподо́бивыйся.

Ра́дуйся, а́лчущих жи́зни вéчныя
пита́телю;

Ра́дуйся, жа́ждущих благода́ти
Бо́жией напои́телю.

Ра́дуйся, вертогра́да церко́внаго кри́не
благово́нный;

Ра́дуйся, про́поведи ева́нгельския глас
богопросвеще́нный.

Ра́дуйся, преподо́бне Корни́лие,
мона́шескаго жити́я изря́дный устрои́телю.

Кондак 6

Проповѣдник нелѣностный
православныя вѣры и истиннаго житія
о Христѣ Иисусе явился еси,
преподобне, мирскія и духовныя управляя.
Приходяше же в слободу Александрову
потрѣбы ради монастырскаго, Успенскаго
обители инокинь посещал еси, милостыню
им подавая и от Божественных писаний
утешая, да поют благодарственно Богу:
Аллилуиа.

Икос 6

Возсия земли Александровстей
просвѣщение совершенных твоих
добродѣтелей, изрядный угодниче
Христов. Сего ради сестры обители
Успенскаго, колѣна преклонше, согласно
моляху тя, да будеши им пастырем. Ты же,
зряще вѣру их, под отеческий покров
восприял еси и был еси им учитель
благочестивый и праведный. Сопричти и
нас Богом собранному твоему стаду, со
умилѣнием зовущих:

Ра́дуйся, прибега́ющим к тебе́ о́тец
чадолюби́вый;

Ра́дуйся, спасти́ся хотя́щим усер́дно
послужи́вый.

Ра́дуйся, в духо́вную па́ству твою́
таковы́х приима́вый;

Ра́дуйся, путь ве́ры и благоче́стия тем
указа́вый.

Ра́дуйся, а́гнцы Христо́вы от волко́в
хищных огражда́вый;

Ра́дуйся, к жити́ю ева́нгельскому́ их
побужда́вый.

Ра́дуйся, и́ноков до́брых иску́сный
води́телю;

Ра́дуйся, стропти́вых и непокори́вых
стро́гий смири́телю.

Ра́дуйся, о спасе́нии душ вв́еренных
тебе́ ко Го́споду взыва́вый;

Ра́дуйся, скорби́ и ра́дости их в се́рдце
свое́ вмеща́вый.

Ра́дуйся, мно́жества и́ноков и и́нокинь
богано́сный зижди́телю;

Ра́дуйся оби́телей твои́х неусы́пный
храни́телю.

Ра́дуйся, преподо́бне Корни́лие,
мона́шескаго жити́я изря́дный устрой́телю.

Кондак 7

Хотя́ да́ти до́брый отве́т на стра́шнем суди́щи Христо́ве о земнѣм жити́и твоѣм, о́тче преподо́бне, зело́ скорбел еси́, я́ко толи́кою тягото́ю обложи́лся еси́, два́ монастыря́ окормля́я. Во оби́тели бо своѣй живя́ше, новоприведе́нную па́ству из неде́ли в неде́лю посещáл еси́, насыща́я пи́щею духо́вною. Обáче Человеколю́бец Госпо́дь незримо́ благо́ю наде́ждою тя укрепля́ше, из глубины́ души́ вопи́ющаго Емú: Аллилу́иа.

Икос 7

Но́выя труды́ и по́двиги ко устро́ению оби́тели Успенскія подъя́л еси́, о́тче Корни́лие. На обновле́ние бо разорѣ́нных хра́мов и расшире́ние мона́шеских кѣллий нелѣ́ностно устреми́лся еси́, да и́нокинь на усѣрднейшее Бо́гу служе́ние подвигнеши, повелева́я на послуша́нии в моли́тве и молча́нии пребыва́ти, и благодарѣ́ние подвигополо́жнику Христу́ возсыла́ти. Сиé úбо воспомина́я, взывáем ти си́це:

Ра́дуйся, обітели тво́я на утешéние нам дарова́вый;

Ра́дуйся, преподо́бному Лукиáну в по́двизех поража́вый.

Ра́дуйся и́ноческих обе́тов пла́менный исполні́телю;

Ра́дуйся, трудолю́бия и нестяжа́ния тепле́йший рачі́телю.

Ра́дуйся, неусы́пною моли́твою пу́ть тво́й освяти́вый;

Ра́дуйся, пребыва́ти в не́й учени́к твои́х научи́вый.

Ра́дуйся, богомы́слию до́бре дея́ния приложи́вый;

Ра́дуйся, плоть твою́ ду́ху покорі́вый.

Ра́дуйся, учени́чэ пустынножи́телей и о́бщаго жити́я возроди́телю;

Ра́дуйся, уста́вов оте́ческих храни́телю.

Ра́дуйся, в моли́тве сво́ей душе́ю в ино́й мир восходи́вый;

Ра́дуйся, на по́прище земне́м но́вую и соверше́нную жи́знь узре́вый.

Ра́дуйся, преподо́бне Корни́лие, мона́шескаго жити́я изря́дный устрой́телю.

Кондак 8

Стѣранное и вельми скорбное житіе
проходя, блаженне отче, тяготы и
немощи обольщенных диаволом чад
твоих понесл еси, за стужающих ти
Господеви моляся. Егда же виде игумена
Анисия с сестрами в поругании и
злострадании ты за попечение о них суща,
испросиша благословение Святителя
Московского жити ти в обители Успения, а
Лукианову пустынь кийждо недѣлю
посещати. Мы же, дивящися неисповедимым
судбам Божиим, воспеваем: Аллилуиа.

Икос 8

Все твоё, богоносне отче, бѣше тщание,
да выну всезлбному врагу рода
Христианскаго сопротивлятися, общаго
же всем Творца купно со ученики твоими в
душѣ и телѣ прославляти. И в сем
благоугоднем подвизе, укрепляемый силою
свыше, толико преуспел еси, яко многия
души из руки диаволи восхитил еси. Сего
ради окаянный зело разъяришася и начаша
козни всякия творити и человецы противу ты
вооружати, укорами и поношении
досаждаше. Обаче вся сия о Христѣ Иисусѣ

претерпел еси, сего ради воспеваем ти:

Радуйся, противу вражиих наветов путь
одоления нам показавый;

Радуйся, надеждою на помощь свыше
себе вооружавый.

Радуйся, на Господа все упование свое
возложивый;

Радуйся, постом и молитвою сети
вражия сокрушивый.

Радуйся, высокоумныя гордыни вражия
крепкий смирителю;

Радуйся, хитросплетенных козней
лукавого всемогущий обличителю.

Радуйся, незлобием Христовым духа
злобы победивый;

Радуйся, силою крестною стрелы
вражия отразивый.

Радуйся плененных духами злобы
свобождающий;

Радуйся, в невидимой брани от
отчаяния избавляющий.

Радуйся, от супостат боримым скоро
пособствующий;

Радуйся, за одолеваемых от
сопротивных присно ходатайствующий.

Радуйся, преподобне Корнилие,
монашескаго жития изрядный устроителю.

Кондак 9

Всякое естество́ а́нгельское удивіся
благодáтному свѣше тебѣ даровáнію,
яко на землі невещѣственно пожил еси
и, взем на ра́мо своѣ крест Христо́в,
плоть распя́л еси́ со страстьми́ и похотьми́.
Кто дово́лен изрещи́ болѣзни и борѣнія твоѣ,
преподóбне о́тче, яже претерпѣл еси́,
Амали́ка мы́сленнаго побежда́я. Тѣмже, сам
искуше́н быв, мо́жеша и искуша́емым
помощи́ избра́н дом Ду́ху Свято́му себе́
сотвори́ти и в прекра́сный виногра́д вы́шний
вни́ти, иде́же ты ны́не благодарственно
поѣши́ Всеси́льному Бо́гу: Аллилу́иа.

Икос 9

Вети́и многовещáнныя не возмо́гут
изрещи́ кре́пость любве́ твоєѣ,
блаже́нне, яже к Бо́гу и лю́дем: подви́гл
бо еси́ себе́ на служѣние бра́тиям
Христо́вым ме́ньшим – страна́ным и ни́щим
трапѣзу учрежда́я, больны́х посеща́я, си́рым
и убо́гим отрокови́цем шко́лу устраѣя,
всякую́ ду́шу стра́ждущую утеша́я. Сего́
ра́ди венце́м небѣсным от Законополо́жника
увенча́лся еси́. Мы же вопи́ем тебѣ́ сицева́я:

Ра́дуйся, божественную любовь, яко
соу́з совершенства стяжа́вый;

Ра́дуйся, вси концы́ земли́ на́шей то́ю
любо́вию объ́явый.

Ра́дуйся, сердцем ми́люющим ду́ха
зло́бы победи́вый;

Ра́дуйся, го́речь земны́я юдо́ли мно́гим
услadı́вый.

Ра́дуйся, приходя́щих к тебé терпению
в болéзнях и ско́рбех поуча́вый;

Ра́дуйся, благодáтным слóвом véру и
наде́жду в сѣх обновля́ый.

Ра́дуйся, страннѣм попечéние и ско́рое
ни́щим услы́шание;

Ра́дуйся, потопля́емым печáльми
житейскими прѣсно вспомо́жение.

Ра́дуйся, за оби́димых, озлобля́емых и
уничжа́емых прѣсно ходáтайствующий;

Ра́дуйся, благодéтелей молѣтвенно
почита́ти примёр нам показу́ющий.

Ра́дуйся, ми́лости превели́кия и
ско́рбным состра́дания сокро́вище;

Ра́дуйся, всеусёрднаго о лю́дех
промышлénия прѣтелище.

Ра́дуйся, преподóбне Корни́лие,
мона́шескаго жити́я изрядный устройтелю.

Кондак 10

Спасительнаго твоего подвига, преподобне Корнилие, достигл еси скончания и святую душу твою в руке Божии предал еси, юже Ангели святии вознесоша горе ко Престолу Вседержителя. Сие помышляюще, молим тя: приведи и нас, обуреваемых страстьми, к тихому пристанищу спасения, да в радости блаженней сподобимся вечно воспевати Премилосердному Богу: Аллилуиа.

Икос 10

Стенá еси святым и иноком Отрада, Пресвятáя Дéва сподоби ты попечение творити о двух обителех, в честь и славу Ея устроенных: наченши бо поприще пастьерское в пустыни Рождества Пресвятыя Богородицы, добре скончал еси сие во обители пречестнаго Ея Успения. Мы же, дивящися таковому произволению Богомáтере, вопиём ти:

Ра́дуйся, служéние Бóжией Мáтери
вседу́шно возлюбíвый;

Ра́дуйся, неотстúпно на мíлость Ея́
упова́ние возложíвый.

Ра́дуйся, смире́нно моли́вый
Влады́чицу путь твой упрáвити;

Ра́дуйся, всепéтое íмя Ея́ благодарне
просла́вивый.

Ра́дуйся, Бóжией Мáтери ча́до ве́рное
и возлю́бленное;

Ра́дуйся, síлы Ея́ свяще́нного
Покрóва постиже́ние та́йное и чу́дное.

Ра́дуйся, благослове́ния преподо́бного
Лукиána чрез óбраз Ея́ Рожде́ства
добронра́вный хранíteлю;

Ра́дуйся, Застúпницы усéрдныя
благогове́йный почита́телю.

Ра́дуйся, многоча́стне в но́щи моли́твы
к Не́й слéзно возно́сый;

Ра́дуйся, небе́сную по́мощь от Не́я
непосты́дно восприéмый.

Ра́дуйся, Пресвяты́я Богоро́дицы
мíлостями нас ущедря́ющий;

Ра́дуйся, невидимых дарóв благода́ти
от Не́я сподобля́ющий.

Ра́дуйся, преподо́бне Корни́лие,
мона́шескаго жити́я изрядный устрои́телю.

Кондак 11

Пѣние всеумилѣнное Пресвятѣй Троице
возносѣ еси, преподобне,
богоугодным житіем твоим
заблуждших к покаянію призывая и плоды
достойны покаянія творити научая.
Сподоби и нас, почитающих любовію
святую память твою, в чистотѣ и правде дни
земнаго житія скончати, да поем вкупе:
Аллилуиа.

Икос 11

Светильник благодатный быв в житіи,
преподобне отче, заповедям
Христовым усердно люди поучал еси,
предивными чудесы мглу страстей разгоняя
и верных сердца к Богу обращая. Ныне же,
аки солнце просияв в Царствии Небеснем,
не забуди нас, чад твоих, но стопы наши ко
спасенію исправи, да вопиѣм ти:

Радуйся, Трисолнечнаго Святыя
Троицы Света выну просвещающее
озарение;

Радуйся, доброзрачнаго света

евангельскаго всесвѣтлое сіяніе.

Рáдуйся, к ч́истому и непорóчному
жити́ю благопоспéшный предвод́ителю;

Рáдуйся, бóдрости и трезв́ения
предóбрый уч́ителю.

Рáдуйся, в омрач́ении страстéй
пребывáющих крóтко обличáющий;

Рáдуйся, в забв́ении Бóга и в́ечности
живúщих пред́ивно вразумл́яющий.

Рáдуйся, нерад́ения и прáздности
изв́естный прогон́ителю;

Рáдуйся, ка́ющимся оставл́ение
прегреш́ений от Христá Бóга подáтелю.

Рáдуйся, мнóжества и́ноков и и́нокинь
духóвное просвещ́ение;

Рáдуйся, изя́щный и в́ерный
путевод́ителю ко спас́ению.

Рáдуйся, всех подвизáющихся во
благоч́естии под кров твой от́чески
приёмл́ющий;

Рáдуйся, за́поведей Бóжиих
испóлнителю усérднейший.

Рáдуйся, преподóбне Корн́иліе,
мона́шескаго жити́я изрáдный устро́ителю.

Кондак 12

Благодатию священства облеченный и сладость церковную познавший, велию ревность имел еси ко Святей Церкви Божией, усердно совершая служение Богу, украшая ю благоговейным чтением и пением. Паче бо всех красот мира возлюбил еси, святче Божий, благолепие дому Господня, имея благое разсуждение, яко сего на сем свете несть честнейши. К сему боголюбезному устроению и нас подвижни, зовущих: Аллилуиа.

Икос 12

Поюще твоё прославление в лике святых, ублажаем тя, преподобне Корнилие, купно с преподобным Лукианом, яко многомощныя молитвенники о нас пред Господем, утешители и заступники явились есте. Новое бо и велие чудо нам, недостойным, показавше, обители, вами устроенныя, возродили есте, врата их вновь черноризцам, ищущим Лице Бога Живаго, отверзаяюще. Сего ради с любовию возглашаем ти сице:

Ра́дуйся, правосла́вныя Цѣркве
Росси́йскія похвалó и украше́ние;

Ра́дуйся, всея́ алекса́ндровскія земли́
увеселе́ние.

Ра́дуйся, предста́телю о нас пред
Го́сподем непосты́дный;

Ра́дуйся, к Богоро́дице моли́твенниче
наш неусы́пный.

Ра́дуйся, ду́шу свою́ си́лою Бо́жиею
преобрази́вый;

Ра́дуйся, пра́ведною кончи́ною
свято́сть жити́я своего́ показáвый.

Ра́дуйся, возше́дый на го́ру
превысо́кую добродете́лей божество́нных;

Ра́дуйся, я́ко от тоя́ удо́бь восше́л еси́
на го́ру небе́сную.

Ра́дуйся, со́нма преподо́бных оте́ц
прича́стниче;

Ра́дуйся, преблагі́й и до́брый ино́ков
наста́вниче.

Ра́дуйся, осия́нный Ду́ха Свята́го
благодáтию;

Ра́дуйся, лю́бящим и чту́щим тя
спасе́ния ходáтаю.

Ра́дуйся, преподо́бне Корни́лие,
мона́шескаго жити́я изрядный устрой́телю.

Кондак 13

Опредивный угодниче Христов, преподобне отче наш Корнилие! Приими сие малое моление наше, в похвалу тебе возносимое. Настави нас на путь покаяния и спасения, испроси у Господа Сил муки вечныя избавления. Да с тобою вкупе в Царствии Небеснем воспеваем немолчно Триипостасному Богу: Аллилуиа.

Сей кондак глаголи трижды.

Икос 1

Ангелов Творец, предуведевый по самовластнаго чистаго сердца твоего изволению всеусердствующее Его воли исполнение, избра ты изначала, да прославиши житием твоим пречудное имя Святыя Троицы. Темже яко луч пресветлый вечнаго Солнца Правды просветися евангельское житие твое. Мы же, любовью понуждаемии, со благоговением и радостью глаголем ти сиевая:

Ра́дуйся, за́поведей Христо́вых
усе́рдный исполнители;у;

Ра́дуйся, уче́ний преподо́бнаго
Луки́ана ре́внителю.

Ра́дуйся, о́тче богонóсне, вся благая и
красна́я ми́ра сегó презре́вый;

Ра́дуйся, се́рдце свое́ во всегда́шнее
служе́ние Бо́гу и Пречи́стей Егó Ма́тери
преда́вый.

Ра́дуйся, роди́телей благоче́стивых
до́брый плод и избра́нный;

Ра́дуйся, я́ко благодáтию Бо́жиею
оправда́нный.

Ра́дуйся, пра́вило ве́ры и благоче́стия;
ра́дуйся, о́бразе крóтости и смире́ния.

Ра́дуйся, прелюби́мое и́ноков
похва́ление;

Ра́дуйся, живу́щим в ми́ре предивное
поможе́ние.

Ра́дуйся, пропове́днице покая́ния и
ходáтаю спасе́ния;

Ра́дуйся, оби́телей твои́х свяще́нное
украше́ние.

Ра́дуйся, преподо́бне Корни́лие,
мона́шескаго жити́я изря́дный устройтели.

Кондак 1

Избранный от Царя Сил и Духа Святаго
исполненный, / преподобне и
богосне отче наш Корнилие, /
преизящное земли Александровския
прозябение, / пречудное обителей, тобою
устроенных, украшение, / величающе
прославльшаго тя Славы Господа, /
воспеваем ти похвальная, добрый наш
пастырю. / Моли Христа Бога и Пресвятую
Богородицу / от всяких нас бед свободити,
зовущих: / Радуйся, преподобне
Корнилие, / монашескаго жития изрядный
устройтелю.

Молитва

Освященная главо, преподобне и
богосне отче наш Корнилие! Ты,
всеусердно поработати Господеви
желая, в земли александровстей вселился
еси, обители, основанныя преподобным
Лукианом добре устрояя. Неленостно в
трудех, бдениих, молитвах и постех
подвизаяся, бесовския козни мужески
поправше, был еси наставник монахом,

всем же людем учитель рѣвностный и отец чадолюбивый. Ныне убо, по отшествии твоём от земныхъ Небѣсному Царю предстоѧ, моли благасть Егѧ, еже ущедрити мѣсто селѣния твоегѧ и святыѧ обители твоѧ, идеже дѣхомъ любви твоеѧ неотступно пребываеши, и всемъ людемъ, с вѣрою къ мощемъ твоимъ приходѧщимъ, во благаѧ прошенія ихъ исполнити. Испроси у великодаровитаго Бога нашего, да сохранитъ Святую Церковь непозыблему от ересей и расколовъ, Отечеству нашему мир и тишину да даруетъ, намъ же да продлитъ время на покаяние и исправление житія. Утверди насъ в соблюдѣнии Христовыхъ заповѣдей, да тако зде богоугодно поживше, сподобимся безпреткновенно внѣти в вѣчное Небѣсное Царство, идеже ты съ преподобнымъ Лукианомъ и всеми святыми непрестанно прославляеши Отца и Сына и Святаго Дѣха во вѣки вѣковъ. Аминь.

